



## **Comunu de Quartu Sant'Aleni**



### **Pianu Urbanu de sa Mobilitadi Sustenìbili, su 18 de onniasantu un'atòbiu in s'Aposentu de is pinturas a friscu**

Tapa noa in su caminu po s'aprovatzioni de su Pianu Urbanu de sa Mobilitadi Sustenìbili (PUMS) de Quartu Sant'Aleni, su programa chi punnat a cuncordai sa mobilitadi in citadi cun cussa metropolitana, castiendidda, tanno, cumenti chi fessit

Progetu sa Lìngua in Quartu  
mail: [ufitziusardu24@gmail.com](mailto:ufitziusardu24@gmail.com)  
<https://www.facebook.com/progetusalinguainquartu>  
PROGETU FINANTZIAU CUN DINAI DE SA REGIONI AUTÒNOMA DE SARDÌNNIA CUNFORMA A SA L.482/99 E A SA L.R.  
22/2018 .

totu a una. Lunis su 18 de onniasantu a beni nc'at a essi unu atòbiu pùblicu po ammostai e spiegai is stùdius fatus.

S'atòbiu at a essi a is 17:30 in s'Aposentu de is pinturas a friscu de s'Ex Cunventu de s'arrecòveru, in Bia Brigata Sassari. Nc'at a essi totu su grupu chi at tentu in paris su Pianu studiau de is tènnicus de sa Sisplan S.R.L. a segus de incarrigu de s'Amministratzioni Comunali.

Su cuncordu de su Pianu at permìtiu de stallai is interventus de fai in unu tempus de dexti annus po creai una mobilitadi chi siat prus sustenìbili. Ddoi sunt, tanno, non feti is interventus chi sunt giai in cursu de òpera e cussus aprovaus de s'Amministratzioni, ma puru cussus chi si pentzat de podi fai in su territòriu de su Comune in is annus a beni.

S'est agatau su modu de agiudai sa genti a si spostai de maneda prus cumbeniosa aintru de sa citadi e a foras, ponendinci puru sa zona de Flùmini e totu s'oru de mari. Po allebiai su tràficu in mesu biddu su Pianu ammostat s'imperu de una circonvallatzioni e de una mobilitadi a aneddu, chi sighit sa parti prus a foras de sa citadi e agiudat a aciungi mellus a is Comunes lacanàrius e a s'oru de biddu.

Po agiudai sa genti a passai a sa "mobilità dolce" andendi a pei o in bicicletu est in programa de torrai a cualificai a nou unas cantus de àreas de sa citadi mentras po ammellorai su servìtziu de is Trasportus Pùblicos ant a essi torradas a organizai unas cantus de lineas cun sa creatzioni de unu passadìtziu dedicau in arburada Colombo. In prus sunt prevìdius puru parchègius de càmbiu in àreas pagu foras de sa parti stòrica de sa citadi, ponendi in paris un'oferta prus arrica.

Depeus puru aciungi chi, cun s'aina de su BICIPLAN, su PUMS prevìdit sa cuncòrdia de unu sistema forti de passadìtzius dedicaus a is bicicletas e a sa genti chi andat a pei, po ammellorai sa sustenibilitadi e amenguai s'imperu de is màchinas.

Punna de custu Pianu est difatis unu abasciamentu de sa CO2 e unu ammelloramentu de sa retza de mobilitadi chi giai nc'est e chi nc'at a essi in sa citadi, tenendi cumenti

a basi forti is interventus chi benint de is Pianus subraordinaus e de su setori, sèmpiri portenti in conca su patrimoniu ambientali de importu chi tenit sa citadi de Quartu Sant'Aleni.

Àteras scedas e documentus de su Pianu sunt a disponimentu a custu liòngiu.

<https://pumsquartusantelena.valueportal.it/>

Iat a essi agradèssiu chi totus is citadinus a solus o cumenti a assòtziu pighessint parti a custu atòbiu.